



## **BIZI**

Badator euskararen  
Haize zirimola  
Oztopoen gainetik  
Dakar bizi bola

Gaztain zuri ta beltzak  
Ardi gurpildunak  
Erbi geldoak eta  
Bustitako lumak

**Bizi, bizi euskararen hazi**  
**Sakanako lurretan bizipozez bizi**  
**Bizi bizi ta biziarazi**  
**Nafarroa oinezen zu lehendabizi!**

Haritz adar okerrak  
Lore dardartiak  
Kilker erremerreak  
Izar basatiak

Datozen beleak ta  
Bertako zozoak  
Erle hegal bakarrak  
Gor dauden usoak

Atxitamutxita bat  
keinuka kaletan  
Armiarmak esan du  
Sare sozialetan

**Bizi, bizi euskararen hazi**  
**Sakanako lurretan bizipozez bizi**  
**Bizi bizi ta biziarazi**  
**Nafarroa oinezen zu lehendabizi!**

Bi hostodun hirusta  
Kontatzen ikasten  
Bidertzeko masusta  
Nora doan ahazten

Sator makil zuridun  
Kale kantoi katu  
Zapaldutako onddo  
Txori kaiolatu

**Bizi, bizi euskararen hazi**  
**Sakanako lurretan bizipozez bizi**  
**Bizi bizi ta biziarazi**  
**Nafarroa oinezen zu lehendabizi!**